



Broj: 12-11-15-1094/21

Sarajevo, 23. 4. 2021. godine

Na osnovu člana 70. Zakona o javnim nabavkama („Službeni glasnik BiH“, broj: 39/14) i preporuke Komisije za provođenje postupka nabavke putničkog motornog vozila putem otvorenog postupka nabavke (obavještenje o nabavci broj: 296-1-1-10-3-11/21 objavljeno na Portalu javnih nabavki 10. 3. 2021. godine i u „Službenom glasniku BiH“, broj 17/21 od 19. 3. 2021. godine ), date u Zapisniku o pregledu i ocjeni ponuda broj: 12-11-15-358-12/21 od 22. 4. 2021. godine, generalni revizor donosi

## ODLUKU

### o poništenju postupka nabavke putničkog motornog vozila

#### I

Poništava se postupak nabavke putničkog motornog vozila iz razloga što primljena ponuda nije prihvatljiva.

#### II

Zadužuje se Odjeljenje za pravne i opće poslove i ljudske resurse, da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

#### III

Ova odluka stupa na snagu danom potpisivanja.

### Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik BiH“, broj: 39/14) Odlukom broj: 12-11-15-358/21 od 8. 2. 2021. godine, pokrenuo postupak nabavke putničkog motornog vozila putem otvorenog postupka nabavke za potrebe Ureda za reviziju institucija u Federaciji Bosne i Hercegovine za budžetsku 2021. godinu.

Obavještenje o javnoj nabavci, broj: 296-1-1-10-3-11/21 objavljeno je na Portalu javnih nabavki 10. 3. 2021. godine i u „Službenom glasniku BiH“, broj: 17/21 od 19. 3. 2021. godine.

Komisija za provođenje postupka nabavke putničkog motornog vozila imenovana je Rješenjem generalnog revizora broj: 12-11-15-358-1/21 od 8. 2. 2021. godine, provela je postupak javne nabavke u skladu sa Zakonom o javnim nabavkama i podzakonskim aktima te sačinila Zapisnik o otvaranju ponuda od 12. 4. 2021. godine, Analitički prikaz traženih i dostavljenih dokumenata - Kvalifikacija ponuđača broj: 12-11-15-358-11/21 od 19. 4. 2021. godine i Zapisnik o pregledu i ocjeni ponuda, broj 12-11-15-358-12/21 od 22. 4. 2021. godine u kojem je konstatovano:

Na protokol Ugovornog organa blagovremeno je pristigla jedna ponuda ponuđača M.R.M. export-import d.o.o. Ljubuški.

Na osnovu pregleda dostavljenih dokumenata u odnosu na dokumente i zahtjeve tražene tenderskom dokumentacijom, utvrđeno je da ponuda ponuđača M.R.M. export-import d.o.o. Ljubuški ne ispunjava zahtjeve tražene Tenderskom dokumentacijom.

Poređenjem tehničke specifikacije i ponude ponuđača M.R.M export-import d.o.o. 024-181-PKW/21 od 8. 4. 2021. godine (numerisane strane ponude 11, 12 i 13) uočeno je da je ponuđač umjesto stavke „Automatska kontrola razmaka sa adaptivnim tempomatom“ ponudio „Tempomat sa limitatorom brzine“, te je umjesto stavke „Tvornički radio CD + MP3 uređaj sa ekranom osjetljivim na dodir (touch screen) + USB i AUX izlaz“ ponudio „Tvornički radio „Ready 2 Discover“ uklj. „Streaming&Internet“ sa ekranom osjetljivim na dodir (touch screen), MP3, AUX izlaz“ i „2USB – C porta naprijed, 1 USB – C punjivi port na središnjoj konzoli pozadi“.

Komisija je u Zapisniku o pregledu i ocjeni ponude predložila odgovornoj osobi Ugovornog organa donošenje Odluke o poništenju nabavke putničkog motornog vozila s obzirom da su ispunjeni uslovi iz tačke 69. stav (2) tačka d) Zakona o javnim nabavkama („Službeni glasnik BiH“, broj: 39/14) – nijedna primljena ponuda nije prihvatljiva.

Na prijedlog Komisije Ugovorni organ je donio odluku kao u dispozitivu.

#### **Pouka o pravnom lijeku:**

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 10 (deset) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- M.R.M. export-import d.o.o. Ljubuški
- u spis predmeta nabavke
- a/a

